



Inatsisartunut ilaasortamut

Marita Jessen

Inuit Ataqatigit

26-06-2024

Sags nr. 2024-13074

All. il. 24285057

Postboks 260

3900 Nuuk

Oqa. (+299) 34 50 00

Nass. (+299) 34 66 66

E-mail: iian@nanoq.gl

www.naalakkersuisut.gl

Inunniq innarluutilinnik sullissineq pillugu § 37 naapertorlugu apeqqummut nr. 112 – 2024-mut akissut

Asasara Marita Jessen.

Apeqqutinnut qujanaq. Apeqqutigineqartut tullinnguuttuni ataasiakkaarlugit uteqqinneqarput akineqarlutillu.

1. Inuit annertuumik annikitsumillu innarluutillit inersimasunngortut eqqortumik sullillneqarlutillu kiffartuunneqarnissaat qulakteernissaat kikkut akisussaaffigaat?

1a. Qaqgukkullu qulakteerinninnerit pisassappat?

2b. Ukiutut qasseriaq qulakteerinnittooqartarpa?

Akissut:

Inuit innarluutillit tapersorsorneqarnissaat pillugu Inatsisartut Inatsisaat inunnut innarluutilinnut ukiui apeqqutaatinngagit atuuppoq.

Inersimasutut inuuneqalernissamut qulakteerinninnissaq pingaaruteqarpoq. Taamaattumik – takuuk inuit innarluutillit tapersorsorneqarnissaat pillugu Inatsisartut inatsisaanni atuuttumi § 26 – kingusinnerpaamik meeqqap innarluutilip 18-iliinissaanut qaammatit 12 sioqqullugit allakkatigut iliuusissatut pilersaarummik suliaqartoqassaaq.

Iliuusissanut pilersaarut sapinngisamik inuk innarluutilik tassungalu angajoqqaatut akisussaasut imaluunniit angajoqqaatut sinnisoqarpat sinniisui aamma allat isumassuisui oqaloqatigalugit suleqatigalugillu suliarineqassaaq.

Inatsisartut inatsisaannut pineqartumut ilaasutut Inunniq innarluutilinnik sullissinermik qulakteerinnittussaq komunalbestyrelsiuvoq. Inersimasunut innarluutilinnut unamminartoqarsinnaavoq, tassani, takuuk Inatsisartut inatsisaanni § 24, illersuisoq isumaginninnermi oqartussanik attaveqarnermigut ikuutaasinnaalluni.



Iliuusissatut pilersaarummi ilaatigut tapersiinerup malinnaavigineqarnissaa eqqaaneqassaaq, matumuuna malitseqartitsineq qaqugukkut pisassanersoq ilanngullugu. Tamatuma saniatigut tapersersuinermut atatillugu najugaqarfissatullu neqeroorutaasinnaasunut atatillugu ingerlaavartumik malitseqartitsinissamut kommunalbestyrelse pisussaatitaavoq.

Tapersersuinermut qanoq akuliksigtsumik malitseqartitsisoqartassanersoq killissanik ersarissunik aalajangersaasoqarsinnaangilaq. Innuttaasup pineqartup tapersorsorneqarnissamik pisariaqartitsinera aamma tapersersuinermut qanoq ittuunera tunngavigalugit akulikissusissaq aalajangersarneqassaaq.

Malitseqartitsinerup ilusissaa qanorlu akuliksigtsumik pillugu piffimmi maledruagassanik communalbestyrelsi aalajangersaasinnaavoq, najoqqutassalli missingiinissamut inissaqartitsissapput, taamaalilluni innuttaasup pineqartup tapersorsorneqarnissamik pisariaqartitsinera tunngavigalugu aamma tapersersuinissaq pisariaqaraangat, malitseqartitsisarneq akulikinnerusinnaalluni.

2. Inuinnik annertuumik innarluutilinnut angajoqqaajusut toqqissimassagunik qitornaat inersimasunngortunut inatsisit malillugit qanoq oqartussanik suleqatigineqartassappat?

Akissut:

Inunnut innarluutilinnut angajoqqaat tapersorsorneqarnissaat siunertaralugu Pisassarfik, nuna tamakkerlugu innarluutilinnik sullissivik, ilaatigut suliassaqarpoq qanigisaasunut siunnersuissallutik ilitsersuissallutillu, innuttaasunut innarluutilinnut piginnaangorsaanissamut piginnaanngorsaaqqinnissamullu suliniuteqassallutik ilaquaannik ilagisaqarsinnaallutik, kiisalu qanigisaasunik pikkorissaanissamut neqerooruteqassallutik. Aammattaaq Pisassarfip suliniutigaa attaveqaatinik, ass. angajoqqaqatigiinnik pilersitsisoqarnissa.

Sumiiffigisami inummut innarluutilimmum nammineersinnaassuseqartumut angajoqqaanik suleqateqarnissamut sinaakkutinut apeqqutaasarpooq inuk innarluutilik najugaqarfissatut neqeroorummiinnersoq imaluunniit angajoqqaamini najugaqartuunersoq. Naalakkersuisut paasisinnaallarpaat inersimasunut meeqnanut nammineersinnaasunut innarluutilinnut najugaqarfissatut neqeroorummiittunut, sulisut taarseraattarnerat eqqarsaatigalugu angajoqqaajusut ernumassuteqartarnerat.

Innultaasunut innarluutilinnut najugaqqaatigiiffinniittunut imaluunniit nakkutigisaasumi najugaqarfimmiittunut tunngatillugu communalbestyrelsip akisussaaffigaa innultaasuni toqqissisimanartumiinnissaat. Innultaasunut innarluutilinnut ulloq unnuarlu neqeroorummiittunut tunngatillugu Naalakkersuisut akisussaaffigaa najugaqartut toqqissisimatinnissaat.

Kommunalbestyrelsip imaluunniit Naalakkersuisut angajoqqaanik suleqateqarnissamut sinaakkutinik pilersitsinissaannut aporfissaqannngillat. Taamaakkaluartoq pingaarnertut piumasaqaataasoq tassaavoq "Pissutsit inummut innarluutilimmum tunngassuteqartut pillugit sapinngisamik inuup innarluutilip nammineq isumai innimigineqassapput nammineerlunilu piginnaasai ineriarneranilu killiffia pissusissamisoortumik qajassuunneqassallutik.", taanna inuit innarluutilit tapersorsorneqarnissaat pillugu Inatsisartut inatsisaanni § 3, imm. 3-mi allassimavoq.

3. Arlaannik naalakkersuisut ilassutissaqarpat?

Akissut:

Naalakkersuisut 2024-mi Ukiakkut Inatsisartut Ataatsimiinnissaannut inuit innarluutilit tapersorsorneqarnissaat pillugu Inatsisartut inatsisissaattut siunnersummik saqqummiussaqarnissaminnik



piareersaapput, tassani ilaatigut qanigisaasunik innarluutilinnik paarsisinnaanissamik
periarfissiilluartoqassalluni.

Inussiarnersumik inuullaqqusillunga

Aqqaluaq B. Egede